



訪尋 功利 政事 盜 恩 杖 客 納 會 世 能
 辨博 田獵 日壯士 決獄 謀士 後 富 著 歌 負 戲
 魚梁 山水 寺院 官宅 鳥 軍 族 雅 詩 飲 醉 浴 用
 素 譽 天地 曆 春 日 月 兩 身 初 伯
 故 事 抄 別 離 浮 圖 仗 將 以 會 之 石
 素 士 美 人 野 野 野

服部文庫
 117
 12





天類地類

117
12

日

日月歌

謝莊
七書云謝莊徒倚屋詞賦
東謝莊字希逸嘗作月賦

雨

雪

柳絮

晉王凝之妻謝氏道韞聰識有才辨嘗內集俄而雪驟下叔父謝安曰何所以也安兄子朗曰散鹽空中差可擬道韞曰未若柳絮因風起

山陰剡溪

晉王徽子字子猷嘗居山陰夜雪初霽月色清朗四望皓然獨酌酒詠左思招隱詩忽憶戴逵時逵在剡便夜乘小船詣之經宿方至造門不前而友人問其故曰本乘興而行興盡而反何必見安道邪

風

雲

山水

晉羊祜字叔子，樂山水，每凡景必造，岷山置酒言詠，終日不倦。

有郭文之事，見隱逸部。

著履水登山履

謝靈運為永嘉太守，郡有名山水，素所愛好，肆意遊遨，後

免官，尋山陟嶺，必造幽峻，登躡常著水履。

有許玄度事，見隱逸。

江海

舟行
部

晉袁宏字彥伯有逸才文章絕美謝尚時鎮牛渚秋夜乘
舟与左右微服泛江會宏在船中詠詠聲清辭文藻拔羣聞
焉即迎^舟與譚論申旦不寐

人事類

清狂七詩曰憐清狂但酒色○蘇林曰凡狂者陰陽脉清狂必濁今此人不狂而似狂者謂之清狂○

書部

得

晉衛瓘字伯玉與尚書令索靖俱善草書時号一臺二妙漢末

張芝亦善草書論者謂瓘伯英節靖得伯英肉

晉王羲之字逸少善隸書為古今之冠嘗在戴山見一老姥

持六角扇賣之羲之書其扇各為五字姥初有過色因謂姥曰

但言是王右軍書以求百錢耳姥如其言人競買之他日姥又

持扇來羲之笑而不答

聖草

酒

後漢張芝字伯英敦煌酒泉人善草書凡家之衣帛必書而

後練之臨池學各池水尺黑下筆必為楷則号忽不暇草

書寸紙不見遺世尤賞其骨骨仲將謂之草聖

張旭
草聖

文學

後漢楊震字伯起少好學明經博覽無不窮究諸儒為之語曰閉口孔子楊伯起家求

前漢丁寬字子襄初梁項生從田何受易時寬為項生從者讀易精敏材過項生遂事何學成東歸何謂門人曰易已東矣家求

漢匡衡字稚圭好學家貧庸作以供資用衣精力過絕人諸儒為之語曰無說詩匡鼎來匡說詩解人頤西京雜記曰衡勤學無燭隣舍有燭而不逮衡乃穿壁引其光而讀之楚國先賢傳孫敬字文實常閉戶讀書暎則以繩繫頸懸

之梁上高第閉戶先生辟命不至

晉郝詵字廣基博學多才瓌偉倜儻不拘細行泰始中舉賢良對策上第武帝問詵曰卿自以為何如詵對曰臣舉賢良對策為天下第一猶桂林一枝崑山片玉

後漢戴憑字次仲光武時舉明經試博士帝令羣臣能說經者更相難詰義有不通輒奪其席以益通者憑遂重坐五十餘故京師為之語曰解經不窮戴侍中

後漢王符字節信少好學有志操耿介不同於俗以此遂不得升進乃隱居著書三十餘篇以諷當時失得号潛夫論後度遼將軍皇甫規解官歸鴈門太守書刺謁規戶外不迎有頃又

白王符在內規素聞符名乃驚遽而起衣不及帶徒履出迎接符手而還与同坐極歡時人為之語曰徒見二千石不如一縑掖言書生道義之為貴也

隱逸

雅遊可見

蜀志諸葛亮字孔明躬耕隴野為梁父吟每自比管仲樂毅時人莫之許惟崔州平徐庶与亮友善謂為信然時先主屯新野徐庶見之謂曰諸葛孔明臥龍也

晉謝安字安石棲遲東山常往臨安山中放情丘壑然每遊賞必以妓女從

楚威王聘莊子，應其士曰：子見支犧牛乎？衣以文紈，食以芻菽，及其牽而入於大廟，雖欲為孤犢，其可得乎？
晉書孫楚字子荆，少時欲隱居，謂王濟曰：當欲枕石漱流，誤云漱石枕流，濟曰：流非可枕，石非可漱。楚曰：以所枕流欲洗其耳，所以漱石欲厲其齒。

獨往 李峴龍句曰：旧游誰獨往。

莊子出入六合，遊乎九州，獨往獨來，是謂獨有。淮南子：江海

之士，山谷之人，輕天下，細萬物而一。

晉郭文，字文舉，少愛山水，尚嘉遯，每游山林，彌旬忘反，父母終不娶，辭家游名山，洛陽陷，乃步擔入吳興，餘杭大辟山。

谷

中窮無人之地，倚木於樹，苔覆其上，而居焉，亦無聲障，時猛獸為暴，而文獨宿十餘年，卒無患，常著鹿裘，葛巾，不飲酒，食肉，王尊召置園中，七年未嘗出入，後逃歸，臨安結廬山

中

三選

飯

前漢蔣詡，字元卿，舍中竹下開三選，唯故人求仲，羊仲從之游。

○逸士傳：許由，隱箕山，無杯器，以手捧水飲，之人遺一瓢，得以操飲，飲訖，挂於木上，風吹，漉漉有聲，由以為煩，遂去之。

有阮脩事，見雅遊部。

後漢梁鵠，字伯鸞，同縣，孟氏有女，狀肥醜而黑，力拳，石曰：擇

對至年七父母問其故曰得賢如梁伯鸞者鴻聞而聘之及
城始以裝飾入門七日而鴻不衣綺縞請罪鴻曰若欲裘褐
之人可與俱隱深山者今乃衣綺縞傳粉黛豈所願哉妻
曰妾自有隱居之服乃更為推髻著布衣操作而前鴻大
喜曰真梁鴻妻也字之曰德曜名孟光乃共入霸陵山中
後漢逢萌字子慶時王莽殺其子宇萌謂友人曰三綱絕矣
不忝禍將及人即解冠挂東都城門潛藏後微不起

魏胡昭字孔明養志不仕辭袁紹之命遁還鄉里太祖為相顯
加礼辟昭往應命自陳一介野生無軍國之用歸誠求去太
祖曰人各有志出處異趣兒卒雅尚義不相屈昭乃轉居

陸渾山中躬耕樂道以經籍自娛閭里敬愛之建安末
民孫狼等叛亂自相約言胡居士賢者一不得犯其部
落一州賴昭咸無休惕執事虞作昭贊曰投簪卷帶韜
匿跡

有范蠡浮五湖之事詳謀士

晉翟湯字道深尋陽人篤行純素廉潔不屑世吏耕而後食
永嘉末寇害相繼聞湯名德皆不敢犯鄉隣賴之辟命不至子
莊字祖休遵湯之操不交人物惟以卜釣為事徵命不就子矯
有高操屢辭辟命世有隱行之

世說云許詢字玄度好遊山澤而體便登陟時人曰許非徒有勝

情有濟器之具

後漢向長字子平，隱居不仕，性尚中和，好通老易，貧無資食，好事者更饋焉，受之取足而反其餘，讀易至損益，歎曰：吾已知富不如負貴，不如賤，但未知死何如生耳。建武中，男女娶嫁，既畢，勅斷家，夏勿相聞，遂肆意遊，出獄名山，不知所終。

軍旅繫

晉謝玄為叔父安所器重，時苻堅入寇，朝廷求文武良將，可以鎮禦北方，安乃以玄應舉，累進冠軍將軍，為前鋒都督，與從弟將軍琇決戰淝水南，堅衆奔潰，弃甲宵遁，聞風色，鶴唳皆以為王師已至，進号前將軍。

後漢馬援字文淵，少有大志，嘗謂賓客曰：丈夫為志，窮當益堅，老當益壯，元善兵策，帝嘗言伏波論兵，與我意合，有謀未嘗不用，後交阯女子徵側等反，蠻夷皆應之，拜援伏波將軍，擊破之，封新息侯，援乃馭牛醢酒，飭餐軍士，將樓船戰士進擊餘黨，嶠南悉平，後復請擊武陵五溪蠻夷，特年六十二，帝怒其

老後曰臣尚能被甲上馬帝令試之援據鞍顧盼以示可用帝笑曰矍鑠哉是翁也遂遣征之進營壺頭廣川記曰援到交趾立銅柱為漢之極界

前漢趙充國字翁孫沈勇有大略少母將帥之節而學兵法通知四夷事諸羌背叛犯塞時充國年七十餘上老之使丙吉問誰可將者充國對曰臣踰於老臣者臣願馳至金城圖上方畧充國愛士卒先計而後戰遂至西部都尉府日饗軍士士皆欲為用虜數挑戰充國堅守捕得生口言羌豪相責曰諾汝亡反今天子遣趙將軍來年八九十矣善為兵今請欲一鬪而死可得邪充國引兵至先零虜系車重赴水

溺死者數百降斬五百餘從軍行不煩兵士遂上屯田便宜十二事上聽其計後罷屯田振旅而還乞骸骨賜安車駟馬黃金每有四夷大議常與參兵謀問籌策薨謚壯侯前漢李廣武帝時拜右北平太守匈奴号曰漢老將軍避之數歲不入界廣歷七郡太守前後四十餘年得賞賜輒分其戲下飲食与士卒共之寬緩不苛士樂為用年六十餘有故自到百姓聞之知与不知老壯皆為垂淚

前漢歷食其說齊王田廣罷歷下兵憑軾下奔七十餘城前漢衛青字仲卿拜車騎將軍擊匈奴以功封長平侯元朔中將三萬騎出高闕追匈奴右賢王得右賢裨王十餘人衆男女萬

幸余人之曰衛青征匈奴絕大漠大克獲帝就拜大將軍於幕
中府故曰幕府

前漢終軍字子雲使南越自請願受長纓必羈南越王而致
之闕下

唐詩請纓繫南粵

柳

通

牡丹

鳥類

雀

楊寶年九歲時至華陰山北見一黃雀為鴻臚所搏墜於樹下為螻蟻所困寶取之以歸置巾箱中唯食黃花白餅日毛羽成乃飛去其夜有黃衣童子向寶再拜曰我西王使者君仁愛救拯實感成濟以白環四枚與寶令君子孫潔白登三事當如此環矣

禽獸類

鶴

鴻書

漢蘇武使匈奴單于執之漢求武匈奴詭言武死常惠教漢使
者言天子射上林中得鴈足有係帛書言武等在某澤中以
讓單于云云視左右而驚謝漢使曰武等實存

鴈

子規

烏

前漢哀帝時御史府中列柏樹常有野烏數千棲宿其上晨太暮來号曰朝夕烏

皆宿主詩 御史府中烏夜鳴

雉

孝子傳蕭芝至孝除尚書郎有雉數十頭飲啄宿止當上道送至岐路乃下道入門飛鳴車前

鳩

枝風張氏之先為郡功曹晨起當朝有鳩從承塵上飛下几
前功曹曰鳩何來為福飛上承塵為福飛入我懷聞懷待
之鳩乃飛入懷中探得銅鈎帶之官至數郡太守九卿有
蜀客至長安私賂張氏婢夕賣鈎與蜀客之家喪福懼
而還張氏之得鈎復為二千石後失鈎張氏遂衰

雜事

對爾長歌叩玉壺

古詩長歌正激烈晉書傳五穀酒後輒詠魏
武樂府歌曰充騏伏極志在千里烈士暮年壯心不已以

音擊壺為節
壺邊盡缺

李唐贊曰李將軍恂恂如鄙人口不能辭乃化之日天下知與不
知皆為流涕彼中心誠信於士大夫也諺曰桃李不言下自成蹊
韓非子曰管仲隰朋迷惑失道管仲曰老馬之智可用也乃放老
子而隨之遂得道以山中無水隰朋曰蟻冬居山之陽夏居山之
陰蟻壤一寸而仍有水乃掘地得水

数

一 斐指曰天得一以清地得一以宁王侯得一以为天下身

三

四 胡毋輔之王澄王敦庾敳友善号曰四友

二後

晉陸機陸雲兄弟也

八

晉羊曼溫緝阮宗王奭桓彝郁璽胡毋輔之蔡謨為

八伯

漢李膺荀昱杜密王暢劉祐魏朗趙典朱寓為八雋

權達

後漢梁冀字伯卓拜大將軍後累滋甚質帝曰冀驕橫曰此跋扈將軍也冀深惡之遂鴆殺立桓帝而枉害太尉李固杜喬海內嗟懼其四方調堯歲時貢獻皆先輸上第於冀乘輿乃其次也一門七封侯三皇后六貴人二將軍在位二十餘年窮極滿盛威行內外百僚側目莫敢違命天子恭已不得有所親豫帝既不平之後堯怒誅冀中外宗親無長少皆奔市佗連及公卿列校刺史二千石死者數十人故史賔各免黜者三百人朝廷為空收冀財貨三十餘萬以充王府用減天下稅租之半

後漢李膺字元禮拜司隸校尉諸黃門常侍皆鞠躬屏氣休沐不復敢出宮省是時朝廷綱紀隳弛膺獨持凜毅以名

自高士有被其容校者名為登龍門

青梁歌咏部

梁父吟

諸葛亮字孔明躬耕龐畝好為梁父吟其辭曰步出齊

城門遙望蕩陰里之中有三墳纒々正相似問是誰家塚田強古治氏

刀能排南山文能絕地理一朝被讒言二桃殺三子誰能為此謀相國齊

晏子

後漢華佗字元化通數經曉養生之術年且百歲猶有莊容時人以爲仙
 精方藥處劑不過數種針灸不過數處若毒結於內針藥所不能
 及者乃令先以酒服麻沸散既醉無所覺因剗破腹背抽割積聚
 若在腸胃則截斷洗除穢既而縫合傳以神膏四者瘡愈一月
 間平腹吳普從佗學佗語普曰昔有一術名五禽之戲一曰虎二曰
 鹿三曰熊四曰猿五曰鳥亦除疾兼利蹠足以當道引體有不快
 起作一禽之戲怡而汗出因以著粉身體輕便而欲食普施行之
 年九十餘耳目聰明齒牙完堅

謝賦

昔孫字興公博學善屬文嘗作天台山賦辭致甚工初成以示友人范梁期云卿試擲地當作金石志

李夢陽詩曰看石忽有詩峯蕉眉其上夜半四折

謝靈運文章之美與顏延之為江左第一族弟惠連十歲能屬文靈運嘉賞之云每有篇章對惠連得佳句嘗於永嘉西堂思詩竟日不就忽見惠連即得地塘生春草大以為工常云此語有神助非吾詔

魏陳思王曹植字子建年十歲誦讀詩論及辭賦數十萬言善屬文時銅雀臺新成太祖悉將羣子登其臺使各為賦植援筆立成可觀太祖甚異之每進見難問應聲而對餘見賞言部

史記范蠡事越王勾踐苦身戮力与勾踐謀二十餘年竟滅吳報會稽之恥以為大名之下難以久居且勾踐可与同患難与處名乃裝且輕寶珍玉與其私徒屬乘舟浮海以行終不反適齊寔姓名自謂鴟夷子皮隱耕于海畔

諸葛亮相先主病篤召亮屬以後事又為詔勅後主曰汝与丞相從事之如父自是事無巨細皆決於亮嘗上疏曰先主不以臣卑猥自枉屈三顧臣於草廬之中諮臣以當世之事後常以未牛流馬運糧據武功五原又与司馬宣王對於渭南相持百餘日卒于軍謚忠武侯亮長於巧思損益連弩木牛流馬皆出其意推演兵法作八陣圖咸得其要

前漢韓信淮陰人信度上不用即亡何追之蕭何謂上曰諸將易得至如信國士無双王必欲爭天下非信無可与計事者於是擇日齋戒設壇壝具禮拜為大將

非士

前漢到都先嚴酷致行法不廷貴戚列候宗室見都側目而視号曰蒼鷹
拜鳳門大守匈奴素聞都節拳邊為引去竟都先不廷馮門匈奴至為
木偶人象都令騎馳射莫能中其見憚如此

史王將田史編布卜曰田於渭陽將大得焉非龍非麇非兕三巖
兆得公侯天遺汝師以之佐昌施乃三王文王曰兆致之乎史編
曰編之太祖史疇為禹占得皐陶兆比於此文王乃齋三日田
於渭陽卒見六公坐茅以漁文王勞而問之乃載與歸立為師

任俠

前漢李布楚人任俠有名楚人謗曰得黃金百不知得李布諾

魏徵詩曰李布無二諾

史記魯仲連謂新街垣曰世以鮑焦為無從容而死者皆非也眾人不知則為一身敘素衣禮義上首功之國權使其士勞使其民彼即為帝則連陷東海而死耳不忍為之民也

郭解字翁伯以軀借交執仇

前漢朱家魯人用俠聞所藏活豪士以百數其餘庸人不
可勝言專越人之急甚於己私自閔以東莫不延頭願交

廉 蔣 鄒 雲 青 廉

前漢 鄒陽 齊人為人有智略慷慨不苟合陽奏書諫吳王畧曰
今臣 飾固陋之心則何王之門不可曳長裾乎

彈冠

前漢 王吉 字子陽 少好學明經 宣帝時為諫大夫 與同郡 為八世 稱
王陽 在位 首公彈冠 言其取舍 同也

前漢 魏勃 少時欲求見齊相曹參 家貧無以自通 乃常獨早掃
相舍人門外 舍人怪之 因特令閤者而問之 勃曰 願相君無內 故為
子為掃 於是舍人見勃 曹參因以為舍人

前漢 終軍 字子雲 濟南人 少好學 年十八 武帝選為博士 步入闕 為吏
與軍 繻軍 問以此何為 吏曰 為復傳 還當合符 軍曰 丈夫西遊 終不復
傳 還矣 繻而衣 及為謁者 使行郡國 建節 東出關 吏識之 曰 此使
者 區前 弄繻 生也

貨傳

落

部

後漢范冉字史雲受業通經好道時絕俗祖帝時為萊蕪長議者
欲以為侍御史因遁逃梁沅間賣卜於市遭黨人禁錮遂推鹿阜
戴妻子拂拾自資或寓息客廬或依宿樹陰如此十餘年乃
結草室而居有時絕粒窮居自若閭里哥之曰甌中生聖范史
雲釜中生魚范萊蕪

有楊雄之事見文學

有翟公之事見世態

前漢韓信家貧嘗從下鄉南昌亭長食亭長妻苦之不為具
食信自絕空至城下釣有一漂母哀之飯信數十日淮陰少年侮
信衆辱信曰能死刺我不能出跨下信孰視俛出袴下一市皆笑
之乃信為楚王召漂母賜千金及下鄉亭長錢百

三浦決錄孫晨字元公家貧織席為業羽詩各為京兆切曹冬戶無
有臺一束暮卧朝收

莊子曰原憲居魯環堵之室茨以生草蓬戶不完桑樞甕牖二室褐
為塞上漏下濕匡坐而弦子貢乘大馬中紺而表素軒車不容巷往
見憲夕華冠縱履杖藜而應門子貢曰嘻先生何病憲曰無財謂
之貧學而不能行謂之病今憲貧也非病也子貢愧

史記魏子擊逢文侯之師田子方於朝歌引車避下謁子方不為礼子擊
因問曰富貴者驕人乎且貧賤者驕人乎子方曰亦貧賤者驕人耳夫
諸侯而驕人則失其國大夫而驕人則失其家貧賤者行不合言不
用則去之楚越若脫躩然

士君詠之一曰仲容青雲器

郭奕已心醉山公非

空觀屢薦不入官一麾乃出守

馮叢詔二十三潘子真詩詔阮始平詩云屢薦不入官一麾乃出守其出
山濤三薦咸為吏部詔武帝不能用荀勗一麾之即此也

驕奢

第集

晉王濟字武子性豪侈服玉食時洛京地貴濟買地為馬
埭編錢滿之時人謂為金溝

入富第部

范蠡浮湖後問行止于陶以為此天下之中交易有無之路也可以
致富自謂陶朱公居無何致貨累巨萬天下稱陶朱公

晉石崇以奢豪矜物創上常有十餘婢侍列皆有容色置甲煎粉沈香汁
有如廁者皆易新衣而出

吳甘寧字興霸巴郡臨江人少有氣力好游俠招合輕薄少年為三
渠帥其出入步則陳車騎水則連輕舟侍從被文綺幃帳以珠玉
之飾常以繒錦雜舟忒或割弃以示奢也

晉石崇字季倫財產豐積室宇宏麗後房百數皆曳紈綺珥金翠
絲竹為當時之選庖膳窮水陸之珍與貴戚王愷羊琇之徒以奢靡

相南堂以館澳釜崇以蠟代薪愷作紫紵布步障四室崇作錦步障五十里以敵之崇塗屋以椒愷用赤石脂武帝每助愷嘗以珊瑚樹賜之高二尺許枝柯枝疎世所罕比愷以示崇以鉄如意擊破愷色色方厲崇曰不足多恨今還卿乃命左右悉取珊瑚樹有高三四尺者六七株條幹絕俗光彩耀日如愷比者甚衆愷恍然自失

有春申君珠履事見愛士

業
利
晉杜預字元凱好為後世名常言高岸為谷深谷為陵刻石為碑紀其勲績一沈萬山之下立岷山之下曰焉知此後不為陵谷乎

政事

前漢蕭霸字次公以廉稱宣帝時以賢良高第為潁川太守力行教化後誅罰外寬內明得吏民心戶口歲增治為天下第一徵守京兆尹坐貶秩歸潁川前後八年郡中愈治是時鳳凰神爵數集郡國潁川尤多天子以霸治行終長者下詔稱揚賜爵關內侯黃金百斤秩中二千石

攀龍詩在昔漢魏多領郡黃金芝賜古此

後漢魯恭字仲康肅宗時拜中牟令專以德化為理不任刑罰郡國螟佛稼大牙緣畝不入中牟河南尹袁安聞之疑其不實使仁恕掾肥親往廉之恭隨行阡陌俱坐桑下有雉過止其傍有童兒親曰兒何不捕之兒言雉方將雛親瞿然起与恭訣曰所以來者欲察君政迹耳今與不犯境化及鳥獸豎子有仁心三異也還府以狀白安是歲嘉禾生恭便坐廷中安上書言狀帝異之在事三年以舉左異太官吏人思之

後漢宋均字叔庠光武時遷九江太守郡多虎暴數為民患常
募設檻穽極多傷害均到下詔屬縣曰夫虎豹在山龜鼉在
水各有所託且江淮之有猛獸猶北土之有雞豚也今為民患
咎在殘吏而勞勤張捕非憂恤之本可一公檻穽其後傳言
虎相與東游度江

晉書羅含字君章在官舍有一白雀栖集堂宇乃還家階
庭忽蘭菊叢生為德化之感

後漢秦彭字伯平為潁川太守仍有鳳皇騏驎嘉禾甘露之瑞集
其郡境肅宗幸潁川輒賞賜錢穀恩寵甚異東觀漢記曰彭
公任老幼拳轅号泣

後漢侯霸字君房王莽末為淮平大尹政理有能名乃莽敗霸

保固自守卒全一郡更始遣使徵霸百姓老弱相携号哭遮使者
車或當道而卧皆曰願乞候君復留暮年

臣氏春秋曰宓子賤治單父身不可堂彈鳴琴而單父治巫馬
期問其故宓子曰我之謂任人々々者故逸

後漢賈琮字孟堅靈帝為冀州刺史舊典傳車駟馬垂赤帷裳
迎於州界及琮之部升車言曰刺史當遠視廣聽糾察美惡何有交
垂帷裳以自掩塞乎及命御者褰之百姓聞風竦震其諸憾過
者望風解印綬去

後漢郭賀字喬卿拜荊州刺史到官有殊政百姓便之歌曰
德仁明郭喬卿也正朝廷上平顯宗巡狩到南陽特見嗟嘆
賜以三公之服黼黻冕旒勅行部太禧惟使百姓見其容服
章有德每所經過吏人皆相示莫不榮之

君子

飲酒部

宴遊 交友 集會 亦可 是

晉山簡字季倫為征南將軍鎮襄陽四方寇亂天下分崩朝野危懼簡優遊卒歲唯酒是耽諸習氏荆豪族有佳園池簡每出多之池上置酒輒醉名之曰高陽池時有童兒歌曰山公出何許往至高陽池日夕倒載歸酩酊無所知時夕能騎馬倒著白接羅拳鞭向葛強夕簡愛將也

李李龍句曰馬上春風白接羅花開應醉習家池

晉畢卓字茂世少希放達為吏部郎常飲酒廢職比舍郎釀酒熟卓因醉夜至其壚間盜飲為掌酒者所縛明且視之乃畢卓也遽釈其縛卓遂引主人宴於壚間致醉而卒卓常謂人曰得酒滿數百斛船四時甘味置兩頭在手持酒杯左手持蟹螯拍浮酒池中便是了一生矣

魏武帝樂府短歌行曰慨當以慷憂思難忘何以解憂惟杜
康注謂杜康古之造酒者

晉阮孚字遙集咸之子也元帝以為安弟矣軍蓬髮飲酒不以
務嬰心轉從夏中即終日酣縱常為有司所按遷散騎常侍嘗以
金貂換酒復為有司彈劾帝宥之

博物志曰昔刘玄石於中山酒家酤酒之家与十日酒之言其節度歸至
家當醉而家人不知以為死也權葬之酒家計十日滿乃憶玄石前
日酤酒醉向醒耳往視之云玄石之死三年已葬於是開棺醉始醒俗
云玄石飲酒一醉十日

晋刘伶字伯倫放情肆志常以細宇宙齊萬物為心常乘鹿車携一壺酒
使人荷鍾隨之謂曰死便埋我其遺形骸如此嘗渴甚求酒於妻之指酒
綆罍涕泣諫曰君飲酒太過非養生之道宜斷之伶曰吾不能自禁當
祝鬼神自誓可具酒肉盡悅之伶既祝曰天生刘伶以酒為名一飲一斛
五斗解醒婦人之言慎不可聽仍引酒銜肉隄然復醉昔酒德一常

遊 宴

枚 前漢陳遵字孟公嗜酒每飲賓客滿堂輒閉門取客車轄投
井中虽有急終不得去

飲酒 交友 共

世利

下邳翟公為廷尉，賓客亦填門。及廢門外，可設爵羅。後復為廷尉，客欲往，翟公大署其門，曰：「死一生，迺知交情。一貧一富，迺知交態。一貴一賤，交情乃見。」

賓王詩曰：廷尉門前雀欲棲。

晉書魯褒字元道，每學多聞，以貧素自立。元康之後，綱紀大壞，褒傷時貪鄙，乃隱姓名而著《錢神論》，以刺之。疾時者傳其文云：

晉潘岳為黃門侍郎，性輕躁，趨世利，與衛尉石崇等諂事賈謐。每候其出，與崇輒望塵而拜。

神

使

漢張騫漢中人時武帝方欲事滅胡西尊能使者騫應募使月氏徑匈奴十餘歲持漢節不失因與其屬亡鄉月氏後亡歸拜太中大夫騫身所至者大宛大月氏大夏康居而傳聞其旁大國五六具為天子言其地形所有禹本紀曰河出崑崙高三千一百里餘日月所相避隱為光明也自張騫使大夏之後窮河源曰得支機石歸

前漢蘓武字子卿武帝時以中郎將持節使匈奴單于欲降之逼幽武置大窖中絕不飲食天雨雪武卧齧雪與旃毛共咽之數日不死匈奴以為神乃徙武北海上使牧羊乳乃得歸武杖漢節牧羊才起操持節旄尺落昭帝立匈奴與漢親由是得還拜為典屬國

部 潔 瘠

風俗通郝子瘠餓不得食寒不得衣一介不取諸人曾過
姊飲田錢席下而去每行飲水常投一錢井中

傷悼

前漢田橫應召詣洛陽遂自殺從者不敢哭而不勝哀故為悲

歌以寄情後廣之為薤露蒿里歌以送終至李延年分為二等

薤露送王公貴人蒿里送士大夫庶人挽柩者歌之因呼為挽

歌薤露歌云薤上露何易晞明朝更復落人死一去何時歸

蒿里歌云蒿里黃泉也誰家地聚斂精魂無賢愚鬼伯一何相催促人命不得少踟躕

呂氏春秋曰鍾子期死伯牙破琴絕絃終身不復鼓以為無足為

鼓者

晉謝敷字慶緒性澄靖寡欲入太平山十餘年召不就初得犯少

微一名處士星白者以隱士當之俄而敷死

有祭遵事見愛士部

後漢郭泰字林宗閉門教授弟子以千數乃卒四方之士千餘人會葬
同志者共刻石立碑蔡邕為其文謂曰吾為碑銘多矣皆自慙德唯
郭有道無愧色耳

史記吳季札使北過徐君：好季札劍口弗敢言季札知之為使上國未
獻還至徐：君已死乃解其寶劍係徐君冢樹而公執序曰徐人嘉而歌
之曰延陵季子兮不忘故脫千金之劍兮帶丘墓

後漢徐穉字孺子恭儉義讓所居服其德屢辟舉不就嘗為大尉黃瓊
所辟瓊卒乃往設雞酒薄祭哭畢而去不告姓名及郭林宗有母憂往
弟之置生芻一束於廬前而去眾怪不知其人林宗曰此汝南州高士
徐孺子也詩云生芻一束其人如玉昔無德以堪之

謀野集答范堯卿司馬書曰僅托於絮酒炙雞白馬素車之下凡

晉向秀字子期與嵇康友善康誅秀入洛作思舊賦云：
特妙臨當就命顧視日影索琴而彈之余將西邁經其旧廬于時日薄虛
泉寒冰凄然鄰人有吹笛者聲在青窠亮追想曩昔游宴之好感音而歎
故作賦云

飲

○晉陸機字士衡吳郡人入洛詣王濟夕指羊酪謂曰吳中

食

菜

何以敵之答云千里^外里湖^也蓴羹未下鹽豉

部

蓴羹得塩豉之美故也江南人謂之蓴菜者蓴又作純

子美詩曰豉化蓴菜熟

梅聖俞詩曰刺持塩豉煮紫

鯖

○西京雜記曰五侯競致奇膳護乃合以為鯖世盛稱五侯鯖

以為奇味焉

○晉顧愷之字長康每食日蔗常自尾至本人或怪之云漸入佳境

邵

○吳孟仁字武恭除監池司馬自能結網手捕魚作鮓寄母

○孫鍾少時家貧種瓜之熟有三人來乞瓜鍾引入菴中設瓜及

瓜

飯訖謂鍾曰蒙君厚惠今示子葬地欲得世世封候為

瓜

欲數代天子又曰我司命也君下山百步勿反顧鍾下六十步
回看並為白鶴飛去鍾遂於此葬母冢上有氣屬天鍾
生堅生權生亮及休權孫和生皎為晉所滅降為歸
命侯

焚枯魚

應璩詩句曰田家無所有醴

漢晉蕭何傳云百平者故秦東陵侯秦破為布衣負種瓜長安城東
瓜美故世謂東陵瓜從百平始也

獸部

犬

通鑑云韓盧天下之駿犬也

晉陸機有駿犬名黃耳既歸偶京師久無問笑語犬曰我家絕無
書汝能齎書取消息否犬搖尾作色機乃為書以竹箠盛
之繫其頸犬尋路南走遂至家得報還洛後以為常

羊

有黃初平牧羊事見神仙部

交 友 部

晉嵇康字叔夜性巧而好鍛宅中有一柳樹甚茂乃激水圍之每夏月居其下以鍛東平呂安服其高致每一相思輒千里命駕康友而善之

嵇康阮籍山濤向季劉伶阮咸王戎為竹林之遊世所謂竹林之七賢也

世說管寧字幼安華歆字子魚邴原字根矩俱遊學三人相善故時人号為一龍謂寧為龍頭原為龍腹歆為龍尾

後漢郭泰字林宗家世貧賤博通墳籍善談論美音制遊洛陽始見河南尹李膺夕大奇之遂相友善名震京師後歸鄉里諸儒送至河上車數千兩林宗唯与膺同舟而濟賓客望之以為神仙焉

後漢陳重字景公少與鄱陽雷義為友義字仲公太守奉重
孝廉重以讓義太守不聽義明年舉孝廉俱在郎署後俱
拜尚書郎義代同時人受罪以此黜退重見義去亦以病免
義後舉茂才讓於重不應命鄉里為之語曰膠漆自謂堅
不如陳與雷三府同時俱辟並至侍御史
有伯牙鍾子期之事見音樂琴部
有王吉貢禹事見薦達部

神 仙 部

後漢 見鳥類雀部

後漢汝南費長房為市掾市中有一老翁賣藥懸一壺於肆頭
及市罷輒跳入壺市人莫之見唯長房於樓觀之異焉因往再
拜奉酒脯翁知長房之意其神也謂曰子明日可更來長房
旦日復詣翁翁與俱入壺中唯見玉堂嚴麗旨酒甘肴盈衍其
中共飲畢而出

神仙傳黃初平丹谿人年十五家使牧羊有道去見其良謹便將至金華
山石室中四十餘年不復念家其兄初起索之不得見後在市有道士善
卜乃就占之道士曰金華山中有牧羊兒是卿弟非邪初起即隨道士尋
見兄弟悲喜問羊何在初平曰近在山東初起往視了不見羊但見
白石無數還曰與羊初平曰羊在耳但兄自不見便乃俱往初平言此
叱羊起於是白石皆起成羊數萬頭初起曰我弟得神通如此者可

學香初平曰唯好道便得初起便棄妻兒留就初平共服松脂茯苓
至二十日能坐在立三日中與影有童子之色後還鄉諸親死之客
尺乃太以方教授南伯逢易性為赤初起改為魯班初平改為赤
松子

續齊諧記漢明帝永平中剡縣有劉晨阮肇入天台山採藥迷失道
路粮尽望山頭有樵共取食之如覺少健下山得澗水飲之並源洗望
見蔓菁菜葉從山復出次有一杯流山中胡麻飯二人相謂曰去人
不遠因過水度山出溪見二女顏容絕妙便喚阮姓名如有旧喜
問郎等来何晚因盡過家聽館服飾精華非世所有左右直走青
衣端正都無男子須臾下胡麻飯山羊脯甚美又設甘酒有数千客將三
丘樵至云來慶女婿刘阮就所盡女家止宿行夫婦之道由十五日求還
女曰來皆是宿福所招得仙女交接何所樂遂住半年悲思緣還家
並無相識鄉里怪異及驗得七代子孫傳聞上祖入山不出至大康八年
又失二人所在

△換骨

通鑑集覽曰道全以為一胡氏曰方士之言殺人者有九曰辟殺與血
曰一曰出神曰蛇形詩學大成曰漢武帝求王母度世之術母曰子但

易行不倦
年易言
年易血
年易脈
年易肉
年易骨
年易筋
年易髮
年易形
年易化
年易道

愛 士 部

史記燕昭王即位卑身厚幣以招賢者謂郭隗曰齊國因孤之困亂而襲破燕孤極知燕小力少不足以報然誠得賢士以共國以雪先王之耻孤之願也先生視可者得身事之隗曰王欲致士先從隗始况賢於隗者豈遠千里哉於是昭王為隗改築宮而師事之樂毅自魏往鄒衍自齊往劇辛自趙往士爭趨燕後與秦楚三晉合謀伐齊敗之孔文舉與曹公書曰昭王築臺以尊郭隗鮑昭樂府曰豈伊白璧賜將黃金臺注云燕昭王置千金於臺上以延天下之士

前漢鄭當時字莊陳人以任俠自喜孝景時為太人舍人每五日洗沐常置驛馬長安諸郊請謝賓客夜以絺日常恐不備其知友皆大父行天下有名之士當時為大吏戒門下客至止其賤

止苗門者執賓主之禮以其貴下人其推轂士戰及官屬丞史常引以為賢於已後為汝南太守卒家止餘財

後漢祭遵字弟孫少好經畧家富給而恭儉從光武平河北拜征虜將軍遵為人廉約小心克己奉公賞賜悉與士卒家無私財身衣草絳布被夫人裳不加緣帝以是重焉及卒愍悼尤甚車駕素服臨之喪禮成親祠以大字既葬車駕復臨其墳存見夫人室家其後會朝帝每嘆曰安得憂國奉公如祭征虜乎

有郭賀事見政事

周公謂伯禽曰我於天下不賤矣然我一沐三握髮一飯三吐哺起以待士枕恐失天下之賢人子之魯慎無以國驕人

段干木辭祿而處家魏文侯過其門而載之

能下士招致賓客

史記楚考烈王以黃歇為相封春申君趙使欲奪楚為璫瑁簪刀劍室以珠玉飾之請命春申君客三千人其上客皆跣珠履以見趙使

々々大慙
楚辭詩曰欲向何門跣珠履

美 人 部

莊子曰西施病心而曠其里曠與聾同其里之醜人見而美之歸亦捧

心而曠其里彼知美曠而不知曠之所以美

奉詔詩秋仍憔悴捧心人

西施越女西子也百絕世之美句踐獻之吳王

前漢飛燕成趙皇后也後罷少衰女弟絕幸為昭儀姊弟顛
寵十餘年西京雜記曰飛燕為右皇后女弟在昭陽殿右體輕腰弱善
行步昭儀不能及但弱骨豐肌在王笑詔二人並色如紅玉為當時第一

好色

前漢卓文君新寡好音司馬相如與客至其家酒酣鼓琴而以琴心挑之文君竊從戶窺之心悅而好之恐不得當也夜亡奔相如相如與馳歸成都家徒四壁立文君久之不樂謂長卿曰第但如臨邛從昆弟假貸花足以為生乃之臨邛盡賣車騎買酒舍令文君當壚相如自著犢鼻禪與庸保雜作滌器於市中

晉王敦字處仲荒恣於色體為之弊凡右諫之敦曰此甚易耳乃開後閣驅諸婢妾數十人並放之時人嘆異

晉紀瞻有愛妾能作新聲耳車中周顛及諸士詣高書紀瞻家觀妓類則亦之無作色

^{官女}晉武帝多簡良家女以充內職自擇其美者以絳紗繫其髮平吳後復納孫皓官人數千掖庭殆將萬人而寵者甚多帝莫知所適常乘羊車恣其所之至使寢寢宮人乃

取竹葉押戶以鹽汁洒地而引帝車然胡貴嬪名芳家幸
殆有專房之寵

晉韓壽字德真南陽堵陽人美姿兒善容止賈充辟為司空掾
充每讌賓寮其女輒於青瑣中窺之見壽悅焉女大感想至
於寤寐婢後往壽家具說女意充言其女光麗艷逸端美絕倫
壽聞而心動令為通殷勤婢以白女之遂潛修音好厚相贈結
呼壽夜入家人莫知時西域有貢奇香一著人則經月不散帝
甚貴之唯賜充及陳騫其女密盜以遺壽寮屬聞其芬馥稱
之於充之意知女與壽通即以妻焉

有梁伯壽妻孟光之事見隱逸

賢

婦

部

前漢成帝班婕妤帝游後宮嘗欲同輩載辭曰觀古
畫賢聖之君皆有右臣在側三代末主有嬖女今同輩得
無近似之乎上善其言而止太后聞之喜曰古有樊姬有班
婕妤後趙飛燕譖告許皇后與婕妤挾媚道祝詛後宮嘗
及主上考問婕妤對曰妾聞死生有命富貴在天修正尚
未蒙福為邪欲以何望使鬼神有知不受不臣之想知其無
知怨之何益故不為也上善其對憐閔之賜黃金百斤
有宿瘤事見家求宿瘤採桑

恩 德 部

前漢朱家用俠聞所藏活家士以百數其餘庸人不可勝
言然不伐其能飲其德諸所嘗施惟恐見之振人不瞻先
自賤始家止賒財衣不兼采食不重味棄不遇輒牛
馬趨人之急甚於私已既陰脫李布之厄及布尊重終身不
見自聞以東莫不延頸願文

部 酬 報

史記有豫讓事

器

用

部

玉 和璧

韓非子曰楚人和氏得玉璞楚山中奉獻厲王乃使玉人相之
 曰石也王以和為詐而刑其左足及武王即位和又獻之玉使
 玉人相之又曰石也王又以和為詐而刑其右足文王即位和
 抱其璞而哭於楚山之下三日三夜泣盡而結之以血王聞之
 使人問其故曰天下之所者多矣子奚哭之悲和曰昔非悲刑
 也悲夫實玉而題之以石負士而名之以詐此吾所以悲也王
 乃使玉人理其璞而得寶焉遂命曰和氏璧

隨珠

漢晉鄒陽
師古曰隨國之侯見大蛇傷者療而愈之蛇銜明珠以報其德
文稱

隨國之侯見大蛇傷者療而愈之蛇銜明珠以報其德

[Faint, illegible text on the left page]

[Faint, illegible text on the right page]

康

晉袁宏出為東陽郡乃祖道於治亭時賢皆集謝安臨別執其
手顧左右取一扇授之曰聊以贈行宏曰輒當奉揚仁風慰彼黎
庶

弓箭

烏号之弓
綦衛之箭

淮南原道註云黃帝鑄鼎於荆山鼎湖得道而仙乘龍上其臣後弓射龍
欲下黃帝不能也於是抱弓而号因其弓為一
曰上美箭所出地也

壽 頃 年 齡

靈壽杖

前漢孔光字子夏孔子十四世孫經學在明_哀帝立拜丞相及
王莽權盛稱宰衡光固辭位太名詔曰國之將興尊師而重傳
其令大師每朝十日一賜餐賜

美

晉潘岳字安仁美姿儀辭藻絕麗少時常挾弹出洛陽道婦人遇之者皆連手索繞投之以果滿車而歸夏候堪字孝若美容觀與潘岳友善每行止同輿接茵京都謂之連璧

男

魏何晏字平叔美姿面至白明帝疑其傅粉夏月令食湯餅汗出以巾拭之轉皎白也

部

晉杜乂字弘治性純和美容王羲之自之曾若凝脂眼如點漆此神仙人也桓彝亦曰衛玠神清杜乂形清

晉衛玠總角乘羊車入市見者以為玉人觀者傾都京師人士聞其姿容觀者如堵會卒時謂被看殺

晉王恭字孝伯大京晉陽人少有美譽清操過人美姿儀人多愛悅或目之云濯如春月柳骨披鶴氅裘涉雪而行孟昶窺見曰此真神仙中人

晉王濬字仲祖太原晉陽人有夙流美姿嘗覽鏡自照稱其父字曰
王文開生如此兒邪居貧帽敗自入市買之姬悅其兒遺以敝帽

驕 慢

晏平仲嬰為齊相出其御之妻從門間而闕其夫其夫為相御擁
大蓋策駟馬意氣揚々甚自得也

音

晉阮咸字仲容，妙解音律，善彈琵琶。虽处世不交人事，唯知己終歌酣宴而已。荀勗每与咸論音律，自以為遠不及。

樂

晉戴逵字安道，能鼓琴，工畧画，其餘巧藝靡不畢綜。武陵王晞聞其善鼓琴，使人召之。逵對使者破琴曰：戴安道不為五門伶人。

部

琴

列子曰伯牙善鼓琴。鍾子期善聽。伯牙鼓琴志在高山。子期曰善哉。我
手若泰山。志有流水。子期曰善哉。洋洋乎若江河。伯牙所念。子期必
得之。

空桑琴瑟。漢晉禮樂志

師古曰。地有出善。凡可為琴瑟。

賞

晉陸雲陸機能屬文。性清正。有才理。幼時吳尚書閔鴻見而
奇之。曰。此兒若非龍駒。是鳳雛。

譽

世說曰。晉嵇康字叔夜。其為人。嶷々若孤松之獨立。其醉也。傀
俄若玉山之將頽。

晉和嶠字長輿。少有風格。庾敳見而歎曰。嶠森々如千丈松。虽礫石
多節目。施之大廈。有棟梁之用。

部

晉王衍字夷甫。山濤目送之。曰。何物老嫗生寧馨兒。
有季布事。見任俠部。

文學宏
士花貝

後漢王粲至蔡邕時。車騎填巷。賓客盈坐。邕聞粲在門。倒屣
迎之。粲至。年既幼弱。容狀短小。一坐盡驚。邕曰。此王公之孫。有異才。吾
不如也。吾家自籍文章。盡當與之。

有五符事見文學

謝靈運詩書皆兼獨絕每文竟手自寫之宋文帝稱為三寶
謝靈運云天下才共有一石子建獨得八斗我得一斗自古及今同
用一斗自奇才博敏安有憾之

別書 離

長河濱 季龍別意詩曰復此長河濱

江淹別賦怨復怨兮遠山曲去兮長河濱

有林宗與雁同舟事 見交友部 季龍詩云君自雁舟似李雁月

文

陸雲嘗行逗宿故人家夜暗迷路莫知所從忽望草中有火
趣之至一家寄宿見一年少美凡姿共談老子辭致深遠
向曉辭去行十許里至故人家云此數十里中無人居雲意始
悟却尋非宿處乃王弼冢雲本無玄學自此談老殊進

學

晉賀循字彥先操尚高厲言行進止必以禮讓朝廷疑滯皆
諮之循輒依經禮而對為世儒宗

晉衛玠好言玄理遇有勝日親友時請一言無不咨嗟以為入微王澄字平子有高名少所推服每聞玠言輒歎息絕倒時人為之語曰衛玠談道平子絕倒王澄及王玄王濟並有盛名皆出玠下世云王玄三子不如衛家一兒

後漢張楷字公超家河南通春秋尚書門徒常百人自父黨夙儒偕造門車馬填街後隱弘農山中學者隨之所居成市華陰山南遂有公超市之府連辟舉賢良方正不就

孫康家貧無油常映雪讀書小三清介交遊不雜

晉車胤字武子博學多通家貧不常得油夏月則練囊盛數十螢火以照昏以夜誦焉

後漢井丹字大春少受業大學通五經善談論京師為之語曰五經紛綸井大春

後漢邊韶字孝先以文學知名教授數百人韶口辨曾昼日假卧弟子私嘲之曰邊孝先腹便便懶讀書但欲眠韶潛聞之應時對曰邊為姓孝為字腹便便五經詩但欲眠思經事寐與周公通夢靜與孔子同意師而可嘲出何典記嘲者大慚

後漢王充字仲任家貧無書常遊洛陽市肆閱所賣書一見輒能誦憶遂博通眾流百家之言充好論說始若詭異終有理實以為俗儒守文多失其真乃閉門潛思絕慶弟之礼戶牖牆壁各置筆刀著論衡八十五篇

前漢董仲舒少治春秋孝景時為博士進退容止不礼不行學士皆師尊之凡相兩國驕主正身以率下數上疏諫卒教令國中所以君而治及去位不問家產業以修學著書為事朝廷有大議使使者就問之其對皆有明法自魏其武安候為相而隆儒及仲舒對丹推明孔氏抑黜百家立學校之官州郡奉茂才孝廉自仲舒菴之

前漢夏侯勝字長公少好學授太后尚書賜錢二百萬素服五日以報師傅之恩儒者以為宗

勝卒太后力之

前漢嚴遵字君平小筮於成都市以為卜筮者賤業而可以惠眾有邪惡非正之問則依著龜為言利害與人子言依於孝與人弟言依於順與人臣言依於忠各因執道之以善裁閱數人得百錢足自養良則閉肆下簾而授老子博覽不通依老莊之旨著昏十萬餘言

後漢應奉字世叔汝南人少聰明自為童兒及長凡所經履莫不暗記讀昏五行並下

後秋

昔

獨醒

屈原名平被謗被髮行吟潭畔顏色憔悴形容枯槁漁父問曰子非三閭大夫歟何故至此原曰舉世混濁而我獨清眾人皆醉而我獨醒是以見放乃作懷沙之賦懷石自投汨羅以死

46

七夕

晉阮咸字仲容與籍居道直諸阮居道北北阮富而南阮貧
七月七日北阮盛麗衣服錦綺粲目咸以竿挂大布犢鼻於庭
曰未能免俗
世說郝隆七月七日出日中仰卧問其故曰我犢鼻中書也

草木部

橘

吳志陸績字公紀年六歲見袁術以山橘績懷三枚去拜辭
隨地術謂曰陸郎作賓客而懷橘乎績跪曰欲歸遺母術大奇之

桃

諺曰桃李不言下自成蹊

桃花源記曰晉太元中武陵人捕魚緣溪行。行路遠近忽逢桃花林夾岸數百步中無雜樹芳草鮮美落英繽紛漁人甚異之復前行欲窮其林。林盡水原得一山。山有山口。髣髴若有光。便捨船從口入。復行數十步。土地平曠。屋舍儼然。男女著悉如外人。黃髮垂髫。見漁人大驚。問所從來。具答之。便邀還家。為設酒殺作食。村中咸未問訊。自云先世避秦亂。率妻子邑人。來此絕境。不復出。

竹

梁園

唐詩選梁園秋竹古時烟

梁孝王有脩竹園

晉時祿康阮籍山濤向秀劉伶阮咸王戎為竹林之遊世所

謂竹林之七賢也

此君

晉王徽之字子猷嘗寄居空宅中便令種竹或問其故

之但嘯詠指竹曰何可一日無此君邪

吳孟宗字武恭母嗜筍冬節將至時筍未生宗入竹林哀歎而筍為之出得以供母

雲夢之竹天下之勁

箭

柳

楚國先賢傳孫文實到洛陽在大學左右得一小屋安止
母然後入學編揚柳為簡以寫經

宮室部

前漢于定國字曼倩。閤門壞，父老共治之。父于公謂曰：少高大門，閤令容駟馬高蓋車。我治獄多陰德，子孫必有興者。三此因
為丞相

城

市

酒店

當壚

司馬如相與文君之臨邛，
盡賣車騎，買酒舍，令文君
當壚。

決獄

前漢于公為縣獄吏，決曹決獄平。羅文治者，于公所決皆不
恨。郡中為之立生祠。高大其門閭，曰：「我治獄多陰德。」
所寃子孫必有興者。至子定國，宣帝為丞相，封西平侯。子永為
御史大夫，封侯。傳世云。

前漢異勝之字公子，武帝末，郡國盜賊羣起，勝之為直指侯，
衣綉衣，持斧，逐捕盜賊。



辨博

王澄嘗與人書曰彦因吐佳言如鋸木屑非久不絕
前漢鄧食其說齊王田廣罷歷下兵馮軾下齊七十餘城
七略曰田駢齊人好談論時号曰天口駢言其口如天不可窮也
晉裴頠字逸民少知名周勰見而歎曰頠若武庫兵縱橫一時
之傑也樂廣嘗與頠清言欲以理服之而頠辭詔豐博廣笑
而不言時人謂頠為言詔之材藪

集會部

陳寔字仲弓荀淑字季和仲弓與諸子姪造季和父子
于時德星聚太史奏曰此百里內有賢人聚
晉車胤字武子與吳隱之以寒素博學知名于世又善於
賞會當時每有盛坐而武子不在皆云無車公不樂

異事部

博物志云鮫人從水中出向人家寄住積日賣綃臨去從主人索
器泣而出珠滿盤以與主人存思吳郡賦云泉室潛織而卷綃
淵客慷慨而泣珠淵客蓋鮫人也正異記云南海中有鮫人
室水居如魚不廢織其眼能泣則出珠

訪尋

交友合見

晉舒康与吕安善安後來值康不在舒喜出戶延之不入顯門作鳳字而安喜不覺枕以為竹言凡鳥也
有子猷訪戴安事詳雪部

技藝

射

前漢李廣世受射法廣出獵見草中石以為虎而射之中石没矢視之石也他日射終不能入

列子曰日蠅古之善射者殺弓而獸伏鳥下飛僂學射於甘蠅而巧過其師紀昌學射於甘衛公曰尔先學不瞬而後可言射昌歸偃卧其妻之機下以目承牽挺二年之後虽錐末倒背而不瞬以告衛公曰未也學視而後可視小如大視微如著而後告我昌以矐懸風於牖而望之旬日之間寢大也三年之後如車輪焉以觀餘物皆丘山也乃以燕角之弧剡蓬之箚射之貫虱之心而懸不絕

註燕角之弧以燕之角為弓剡蓬之箚以朔之蓬為箚也見以矢之精也

淮南子曰楚王有白矜自射則博矢而熙使養由基射之始調弓
矯矢未發而矜擁柱矣

馬

劍

棠谿之金天下之利
出金其利韓國鑄劍之

博奕

有哀聰事見蒙求中哀聰俊邁

工

列子曰周穆王西巡狩道有獻工人名偃師王問曰若有何能曰臣有所造願王觀之越日謁見王曰若与偕來者何人對曰臣之所造能唱者王視之趣步俯仰信人也巧哉鎖其頤則歌合律捧其手則舞應節千變萬化唯意所適王以為實人也与盛姬内御並觀之技將終倡者瞬其目而招王之左右侍妾王怒欲誅偃師立剖散以示王皆傳會革木膠漆白黑丹青之所為

魚

鼈

晋孔愉字敬康封餘不亭愉嘗行經餘不亭見籠龜於路者愉買而放之溪中龜中流左顧者數四及是鑄候印而龜左顧

魚 梁

吳孟仁字武恭。除監池司馬。自能結網。午以捕魚。
有鉤箴芒距。微綸芳餌。加以詹何。始環之數。

淮南原道
詹何始環古善釣人

虫 部

螢
有車胤事見文學

癡 愚 部

晉顧愷之字長康癡絕之事見蒙求中顧愷丹青
晉惠帝在華林園聞蝦蟆^{之事}走蒙求中晉惠帝聞

雅遊部

隱逸
合可
是

杖頭錢

晉阮脩字宣子性簡任不脩人事常步行以百錢掛杖頭至酒店便獨酣暢虽當世富貴而不顧家無儋石之儲晏如也与兄弟同志常自得林阜間

服衣

吳孟仁字武恭少從李爾學其母為作厚蓐大被曰小兒無德
致客學者多負故為廣被庶可得與氣類接也

